

明

史

禮六

吉禮六 先農籍田 先蠶 祭告 祈報

籍田之禮洪武元年御史尋迺請耕籍田享先農以勸天下帝從之命以來春舉籍田禮禮官奏漢鄭元謂王社在籍田之中唐祝欽明云先農與社本是一神宋陳祥道云社自社先農自先農籍田所祭乃先農非社也至享先農與躬耕同日禮無明文惟周語云農正陳籍禮而韋昭注云祭其神為農祈也至漢以籍田之日記先農而其禮始著由晉至唐宋其禮

不廢政和間命有司享先農止行親耕之禮南渡後
復親祀先農元雖議耕籍竟不親行其祀先農命有
司攝事今議耕籍之日皇帝躬祀先農禮畢躬耕籍
田以仲春擇日行事從之二年二月帝躬享先農以
后稷氏配祀畢耕籍田于南郊先農壇在籍田之北
高五尺廣五丈四出陛籍田在皇城南門外御耕籍
位在先農壇東南高三尺廣二丈五尺四出陛其神
位先農正位南向后稷配位西向正配位幣皆用青
色設御耒耜二具依農家常用者製造韜以青絹御
耕牛被以青衣器物祀儀並與社稷同但不用玉

仍如樂三先農祝文曰惟神生天地開闢之初創田
器別嘉種以肇興農事古今億兆非此不生永為世
教考典崇祀神載冊書今東作方興禮宜告祭仰冀
發太古之苗實初生之粟為民立命昭祀無疆謹以
制幣犧牲粢盛庶品肅修常祀式陳明薦以后稷氏
配神作主后稷祝文曰惟土膏脉起爰修耕籍用薦
常祀于先農之神惟神功協稼穡允宜昭配謹以制
幣犧齊粢盛庶品式陳明薦作主侑神祀先農畢太
常卿請詣耕籍位皇帝至位南向立公侯以下及應
從耕者各就耕位戶部尚書北向進耒太常卿導引

皇帝乘耒三推戶部尚書跪受耒太常卿奏請復位
南面坐三公五推尚書九卿九推各退就位太常卿
奏禮畢皇帝還太次應天府尹及上元江寧兩縣令
率庶人終畝是日宴勞百官耆老宿于壇祈十年二
月遣官享先農命應天府官率農民耆老陪祀其陳
設正配位各用登一鉶二餘牲幣器物並與二年祭
先農同祝文曰皇帝謹遣具官某致祭于先農之神
惟神初興農事乃種嘉穀爲民立命萬世永賴今將
東作親耕籍田謹以牲醴庶品用修常祀以后稷氏
配于壇一年命禮部更定祭先農儀正設先農一位

不設_壇位其器物如舊永樂中建壇京師如南京制
壇建于太歲壇之西南為制_土成四面石階九級西
為瘞位東為齋宮鑾駕庫東北為神倉東南為具服
殿殿前為觀耕臺臺南為籍田獲壇地六百畝供黍
稷及薦新品物又池九十四畝有奇每年額稅四石
七斗有奇太常寺會同禮部收貯神倉以備旱潦又
令壇官種一百畝壇戶種二百六十六畝七分每歲
以仲春上戊日遣順天府尹致祭禮樂仍舊後凡遇
登極之初行耕籍禮則親祭宣德元年二月帝祭先
農躬耕禮畢謂侍臣曰先王制籍田以奉粢盛以率

天下務農貴有實心人君體祖宗之心念創業艱難
愛恤蒼生明德至治達于神明則黍稷之薦不徒親
耕矣農民勤苦終歲不免飢寒輕徭薄斂貴農重穀
禁止遊食則民趨耕稼不徒勸率矣不然三推何益
予事弘治元年定增順天府官率兩縣令耆老謝恩
之後引上中下三等農夫各十人服由間衣及鞋各
執農器朝見令其終畝耕畢人賜布一疋是年帝親
耕禮畢宴群臣教坊以禱劇承應左都御史馬文升
曰新天子當知稼穡艱難豈宜以此瀆亂宸聽即斥
去之○嘉靖九年禮部更定耕籍儀前期太常寺奏祭

祀百穀致齋順天府官以耒耜及種粒種進呈內官
仍捧出授順天府官捧由午門出置絲與鼓樂送
至籍田所至期上具翼善冠黃袍御奉天門大常寺
官奏請詣先農壇上陞輦鹵簿導從詣壇所具服殿
上服袞冕如儀祭先農畢還具服殿更翼善冠黃袍
太常卿導引上至耕籍位南向立三公以下從耕者
各就位戶部尚書北向跪進耒耜順天府官北向跪
進鞭導駕官同太常卿導引上秉耒三推三反訖戶
部尚書跪受耒耜順天府官跪受鞭太常卿奏請復
位順天府尹捧青箱隨以種子播而覆之上御外門

南向坐觀三公五推尚書九卿九推太常卿奏耕畢
導引上還具服殿陞座順天府官率兩縣官耆老人
等行禮畢率庶人終畝鴻臚寺官贊百官入班致詞
行慶賀禮有旨賜酒饌三品以上官各就丹陛上東
南向賜坐四品以下官臺下序坐并宴勞耆宿于壇
旁宴畢駕還宮導從如來儀大樂鼓吹振作十年命
墾西苑隙地為田建殿曰天廄亭曰蕤風又曰省耕
曰省斂倉曰恒裕禮部上郊廟樂盛文給之數因言
南郊藉田皇上躬執三推而公卿共宣其力較之西
苑為盛西苑雖屬農官督理而皇上時省耕斂較之

籍田。歲勤則倉之儲誠宜分屬。無支以供郊廟祭祀。請以籍田所出藏之南郊圓廩。若倉若園丘所穀。先農神祇壇長陵等陵歷代帝王及百神之祀皆取給焉。西苑所出藏之恒裕倉。若方澤朝日夕月太廟世廟太社稷帝社稷禘祫先蠶及先師孔子之祀皆取給焉。庶稱敬天禮神至意。十六年諭凡遇親耕則戶部尚書先祭先農皇帝至止行三推禮。隆慶元年罷西苑耕種諸祀仍取給于籍田。二年二月禮部請親祭先農上躬耕籍田。儀前期三日太常寺進祝版上御文華殿親填御名訖博士捧出安于香帛亭內暫

按先農壇神庫順天府官進呈耒耜及種稔種如舊
儀前期一日上常服以親祭先農并行耕籍禮預告
于奉先殿世宗几筵殿弘孝殿神霄殿正祭行禮如
常儀事畢上還仍詣奉先等殿參謁如前儀先是諭
禮部百官不必稱賀不用鹵簿禮部議造耕根車以
載耒耜用青質詔可弘治中丘濬有言曰大蜡與籍
田相為終始而本朝獨于此闕焉當東作方興之始
既舉籍田之禮以祀先農于春而帥先農氏以作其
務本之心則百穀告成之後宜舉大蜡之禮以報先
穡之功而勞來農民以慰其勤勤之苦惜其未行也

先蠶。初未有親蠶之禮。嘉靖九年都給事中夏言奏。向被命勘順天田土。曾請設官莊田為親蠶殿。公桑園。令有司種桑柘。以備官中蠶事。未見舉行。邇都有事于南郊。臣猥以侍從之末。叨陪法駕。仰見對越嚴恪。馨香升聞。竊念向所建親蠶之議。有助陛下敬天勤民之事。且足以紹聖祖制作。補當代闕遺。夫農桑之業。衣食萬人。不宜獨缺耕蠶之禮。垂法萬世。不宜偏廢。帝嘉納之。遂勅禮部曰。耕桑王者重事也。古者天子親耕。皇后親蠶。以勸天下。朕在宮中。每有耕桑。自今歲始。朕親祀先農于本日。祭社稷畢。即先

農壇行禮皇后親蠶禮儀便會官考古制具儀以聞
太學士張璫等因請于安定門外擇建先蠶之壇及
蠶室別殿採桑壇先蠶壇制倣先農壇為之其別殿
量如南郊齋宮之制而少減其數即齋宮旁起蠶室
二十七間為浴蠶所採桑壇倣籍田之制皇后採桑
三條後三公夫人採五條列侯九卿夫人採九條仍
擇民婦數十人受桑浴蠶于內以終其事詔如議行
唐事霍韜言陛下親祀南郊僅及五里猶先日啟行
舍皇后出郊難以越宿且郊外別建蠶室則宮嬪命
婦又祿得親見蠶事有文無實勢難久行乞擇近地

為便帝由耕蠶衣食之本王化之先天子耕于南郊
皇后蠶于北郊此萬世不可易之典且出郊古禮非
可以遠近計若就禁內行之不可垂法已而戶部亦
盡安定門外近西之地雖寬平可用而水源不通無
浴蠶所初禮部議于皇城内南城西苑中有太液瓊
島之水况唐制亦在苑中宋亦于宮中宜從禮部初
議便帝曰周禮之制耕蠶分南北郊唐人因陋就安
不可法于是禮部尚書李時等言大明門出至安定
門外道路遙遠今擬鳳輦或由東華玄武二門出無
碍古禮并條為四事以請一增治蘭之禮蘭成後令

內臣自北郊捧獻宮中仍于宮中陳地量立蠶繭織
室行三盆之禮以終蠶事二定壇壝之向先蠶壇北
向採桑壇東向如唐開元禮三定採桑之器唐制尚
勅奉金鉤夫親蠶以識女工之艱難金鉤近後宜令
遙辦鉤筐如民間器用毋過雕飾四擇掌壇之官中
宮出郊禮儀令內臣謹愿者掌之以肅宮闈之禁帝
是其言命自玄武門出儀衛令內使陳列兵衛官軍
十萬員名五千圍于壇所五千護于道仍于西苑陳
塋建織室數間偶不必建齋宮以建具服殿蠶室繭
館俱如古制其部先蠶壇圖式帝親定其制先蠶

壇方前二丈六尺疊二級高二丈六寸陛四出東西
北俱樹以桑柘燕息殿不必建以東禮房為蠶宮今署
採桑臺高一尺四寸方一丈四尺三出陛鑿駕庫五
間後壇方其制如內苑上蓋織堂高圍方八十丈餘
俱如圖注己而餞天監以年神不利與作禮部言周
餅季春吉己皇后享先蠶則必擇日可知矣既有室碍
請俟明年其躬桑治繭之事可于宮中行之帝曰朕
已告聞祖考不敢中止己禮部請暫用蓆席竹木為
之帝令酌處財力量建一二工部乃請止治先蠶採桑
二壇并具服殿及諸蠶室數十楹餘皆罷之報可禮

部奏上皇后親蠶儀蠶將生欽天監擇吉日以開
順天府先將蠶母名數具奏送至北郊工部將鈎筐
筐架及諸什物給送蠶母順天府隨將蠶種及鈎筐
前副進呈訖有頃內官捧鈎筐及蠶種授順天府官
捧出玄武門外置綠輿中鼓樂送至蠶室蠶母受
蠶種出蠶先浴飼以待置鈎筐于殿內命婦文官自
四品以上武官自三品以上俱陪祀命婦入壇者給
以陪祀牌採桑者給以供事牌每命婦許帶侍女一
人以備執鈎筐給與執事人牌禮部官同蠶宮令丞
壇門聽入前期三日尚儀奏齋武皇后致齋三日內

執事薛司贊六尚等女官及應神著各齋六日先
於太常寺入壇具祝文版及祭物羊豕蓮豆各六黑
帛送交齋宮令次日齋宮令授執事女官齋宮令陳
樂舞位于壇南設皇后拜位于壇下北向次公主及
內命婦太次外命婦拜位俱異位重行北向設內贊
位于壇南司贊位于皇后拜位之東西司賓位于外
命婦班之北東西相向又設皇后採桑位于採桑壇
東南設公主及內命婦位于皇后位東設外命婦位
于採桑壇東陛下各南北向以西為上設執皇后鉤
簪者位于皇后位旁少東是日未明宿衛陳兵備女

樂園設樂備儀仗及重翟車俱候于玄武門外將明
由侍詣坤寧宮奏請皇后服常服導引女官導皇后
出宮門乘肩輿侍衛警蹕如常應入壇者各服其服
以從至玄武門內侍奏請降輿升重翟車兵衛儀仗
女樂前導出北安門障以行帷至壇內壇東門內侍
奏請降車乘肩輿兵衛儀仗停東門外皇后入其服
殿少憩尚儀詣請易禮服出至壇司贊奏就位次公
至次內命婦列于後又次外命婦各就拜位北向內
贊唱瘞毛血迎神奏樂樂止內贊奏四拜唱奠帛行
初獻禮奏樂執事官捧帛爵跪奠神位前各奠跪樂

並唱讀祝奏跪讀祝女官跪于神位前右讀訖奏樂
奏興樂止內贊唱行亞獻禮如初獻惟不讀祝終獻
亦如之執事禮官進立壇東西向唱賜福胙司贊奏
跪執事女官以福酒跪進于皇后右奏飲福酒訖執
事女官以胙跪進于皇后受胙訖奏興奏二拜唱徹
饌奏樂執事女官詣神位前徹饌訖樂止唱送神樂
作奏四拜樂止內贊唱讀祝官捧祝執事官捧帛饌
各詣瘞位奏樂樂止司贊唱禮畢凡拜跪興公主內
命婦外命婦皆同皇后還其服殿更常服司賓引外
命婦先詣祿桑壇位南北向尚儀奏詣皇后詣祿桑

位公主以下各就位執鉤者跪進鉤執筐者跪奉筐
受桑皇后抹桑三條還至壇南儀門坐觀命婦抹桑
三公命婦以次取鉤抹桑五條列俟九卿命婦亦以
次抹桑九條訖各侍女侍筐內司賓引內命婦一人
詣蠶室尚功帥執鉤筐者從尚功以桑授蠶母蠶母
受桑縷切之以授內命婦內命婦食蠶灑一簿訖還
尚儀前奏禮畢皇后還具服殿陞座尚儀奏司賓率
蠶母等行叩頭禮訖司贊唱班齊外命婦序列定尚
儀致辭示親蠶既成禮常慶賀司贊贊四拜率賜宴
命婦肅賜蠶母酒食于壇旁公室及內命婦殿內序

盛郊婦文武三品以上于堂上三品以下于丹墀
器序坐尚食進膳教坊司女樂奏樂宴畢徹茶公主
以市各就班司贊贊四拜尚儀跪奏禮畢皇后還宮
導從如前詔如擬禮部又言親蠶之禮出于創見一
時奉婦倉卒入壇恐致愆度以所繪採桑圖投之俾
各姑式演習至北郊壇原圖外命婦房在內隨侍房
北以有內墻隔別也今既省去內墻當即改外命婦
房為內隨侍房仍請定名採桑之所帝因名其所為
採桑臺餘皆如議四月禮部以蠶事告成請行治蒨
禮命于蠶婦中選善繅絲及善織者各十人欽天監

不言曰皇后出宮警蹕導從如常儀至織室命內命婦一人行三盆手禮布于織婦以終其事蠶宮令選尚衣織染監局造祭服帝謂祀先蠶當備樂舞而宮人不足又謂冠服當與樂舞生異制下禮部議謂考唐開元先蠶儀注則宜用女樂又唐六典宜用八佾宋陳旒樂書享先蠶圖有宮架燈歌而不及舞今止用樂歌減去樂舞亦合古制且見少殺先農之禮帝曰舞者備文武之義非婦人女子之事宜罷之止用樂其冠服之制禮部以北郊陰書也色尚黑同色相感事神之道而樂之感通尤甚今樂女生冠服俱寔

用黑牛年二月禮臣言去歲皇后躬行採桑已足風
勵天下今先蠶壇殿工未畢宜直遣官行禮其浴蠶
等事仍于織堂舉行俟工完另議帝未允卻臣復言
周禮亦有代祭之儀皇后行于宮中而可以供祭服
之用織女工之艱大義已得不必歲歲出郊方為合
古帝以皇后親蠶已告祖考歲為定例今如舊行已
而皇后出入不便命改築先蠶壇于西苑壇之東為
採桑臺鋪甃如壇制臺之東為興服殿北為蠶室又
為從室以居蠶婦設蠶宮署于宮左置蠶宮令一員
總其通擇內臣謹恪者為之四月皇后行蠶禮于內苑

帝謂親耕無賀此安得賀第行叩頭禮女樂第用供
宴勿導前仍賜蠶母王氏等二十七人各布一疋
祭告古者君將出必告于祖禰歸又至其廟而告之
孟荆天子將出類于上帝宜乎社造乎禰歷代固有
祭告之禮羽制凡登極巡幸及上尊謚葬山陵冊立
冊封冠婚等事皆祭告天地宗廟社稷凡營造宮室
及命將出師歲時旱潦祭告天地山川太廟社稷后
土之神祀前太常寺預奏至期遣官衍禮凡即位卷
初遣官祭告闕里孔廟及歷代帝王陵寢朔初太祖
以後張士誠祭告大江之神將伐元祭土下神祇等

北門之北里山及平陳友諒還至建康祭告于廟飲
至行賞洪武元年正月四日太祖即位祭告天地二
年禮部尚書崔亮奏禮運曰禮行于郊則百神受職
沈括援唐制云凡有事上帝則百神皆預遣使告祭
惟太廟則皇帝親行祭告今擬圓丘方丘天祀前期
正親告太廟仍遣使預告百神于天下神祇壇詔從
之是年以倭襲叔海濱郡縣命將帥舟師征勦遣使
祭東海之神四年帝親祀上下神祇告伐明昇五年
九月太常卿陳世舉言古制凡修理宗廟則遣官祭告
出神今擇日修築太廟宮牆宜舉祭告之禮帝從之

由室日聯自祭告太廟用羊一豕一其土神則爾太
常以六豕祭之六年禮部尚書牛諒奏定太歲諸神
若有事祭告則設祭告凡二十八壇中太歲風雲雷
雨五嶽五鎮四海凡五壇東四瀆京畿湖廣山東河
南北平廣西四川甘肅等處山川夏冬三季月將京
都城隍凡十三壇西鍾山江西浙江福建山西陝
西廣東遼東山川春秋二季月將旗纛戰船等神凡
七十一壇若親祀則每壇牲用犢一羊一豕一蓬豆
各十盞盞各三登十餽二酒盞二十帛太歲六風雲
雷雨四鍾山一京畿山川四甘肅山川四季月將

各三京都各府城隍其二俱白色嶽鎮各五四海四
各隨方色四瀆四黑色旗纛戰船等神共七黑色二
白色五共用酒尊十三祝一其儀皇帝具皮弁服行
告獻禮先詣太歲神位前次詣各壇神位每三壇一
次行禮八年帝駐中都祭告天地于圜丘時命群臣
會議皆曰濠地古之鍾離于此建都于是兩更郡名
定為鳳陽建立都城功將告成故有是祭是年以改
作太廟躬祀后土太歲等神九年正月帝以諸王將
老國告祀天地于圜丘曰荷天地眷佑為億兆主予
孫繁盛稽諸古典天子有子其嫡長者守邦以嗣大

統諸子各有茅土之封藩屏王室以安萬姓今嫡長
子驃自開國之初已立為皇太子諸子秦王撫等亦
已受封年有長幼將次第之國命祀境內山川許修
武事以備外侮謹用昭告先是分日告祭太廟社稷
我鎮海濱及天下名山大川至是大告于園丘云十
一年丙午歲寇邊命沐英為征西將軍帝自為文祭
告我瀆山川旗幟諸神十二年詔州十八族番首三
副使汪舒朶兒等叛擬納隣七站之地命沐英移兵
討之告祭西嶽諸神二十六年從諸王來朝及還國
告祭禮典儀于端門用豕一羊一羖素各一壇亦用

制帛先是諸王來朝遠國祭真武等神端門用豕九
年九制帛等物祭護衛旗纛于承天門亦如之至是
帝以其禮大類故有是命尋又罷端門祭祀惟用犛
素仁壇祭于承天門外永樂七年二月以巡狩北京
告祭天地宗廟社稷嘉靖八年春以躬禱郊壇禮臣
奏請前期遣官祭太廟世廟得旨親告是秋以躬祭
山川諸神命先期不必遣官告祭太廟凡出入必親
詣祖考于內殿每遇正旦拜天于玄極寶殿聖誕
節先一日以酒果告列聖帝后于奉先殿至日以酒
脯告皇天上帝于玄極寶殿遣官以牲醴祭神烈天

壽純德諸陵山及東岳都城隍以素羞祭真武及靈
濟宮又告修齋于道極七賢帝尊隆慶三年以親祭
朝日壇預告奉先殿詣太祖及列聖前上香跪讀告
詞四拜隨詣弘孝殿神霄殿告祭如奉先儀
祈報洪武二年以春久不雨祈告風雲雷雨嶽鎮海
濱山川城隍旗幟諸神中設風雲雷雨嶽鎮海濱凡
五壇東設鍾山兩淮江西兩廣海南北山東燕南燕
荊山川旗幟諸神凡七壇西則江東兩浙福建湖廣
荆襄河南北河東華州山川京城城隍凡六壇共十
八壇中五壇奠帛初獻帝親行禮兩廡命官分獻每

壇牲用犢羊與豕各一幣則太歲風雲雷雨用白雞
各隨其方色邊豆簋簠視社稷登一鉶二其儀同常
祭三年夏旱帝謂中書省臣曰民之所重在食食之
所恃在農今仲夏不雨實為農憂禱祠之事禮所不
廢已擇六月朔日詣山川壇躬為禱之爾中書各官
其代告諸祠至日帝素服革履徒步出詣山川壇設
素席露坐曝烈日中夜卧听地衣不解帶皇太子捧
盞進蔬食雜麻麥菽粟凡三日還宮仍齋宿于西廡
六年禮部尚書牛諒奉定太歲諸神春祈秋報凡十
五壇中太歲風雲雷雨五嶽五鎮四海凡五壇東西

各五壇東則四瀆京畿山川春秋二季月將京都各
府城隍西則鍾山甘肅山川夏冬二季月將旗纛戰
船等神其親祀之儀與祭告同祝文曰維神主司民
物參贊天地化機發育有功考于古典歷代有春祈
之禮今當一歲之初農事將興謹以牲醴庶品用伸
祭告所冀風雨以時年歲豐稔民物咸遂軍民皆安
秋報曰今農事告成謹以牲帛醴齊粢盛庶品用伸
報祭永樂十六年武當山宮觀成賜名曰太嶽太和
山即天柱峯頂治銅為殿飾以黃金範具真武像于
中選道士二百人供洒掃給田并耕戶以贍之仍選

道士任自垣等九人為提點正六品分主宮觀嚴祀
事資太祖高皇帝孝慈高皇后之福下為臣庶祈彌
災殄凡為殿觀門廡享堂廚庫一千五百餘楹帝親
製碑文以紀之二十二年以久旱得雨封大青龍神
為弘濟大青龍神小青龍神為靈顯小青龍神賜名
所居山為翠微山命禮部歲以春秋仲月遣順天府
官數祭用少牢京師平則門外三十里盧師山有潭
世傳有大小二青龍出沒不時遇旱致禱輒雨及是
久不雨命劉淵然等即是禱焉雨隨注故有是命正
統元年三月以雨雪愆期遣官祭天地社稷太歲風

雲雷雨嶽鎮海瀆之神弘治十七年禮部尚書張昇
以畿內及山東等處久旱請分遣大臣祈禱帝命禮
部左侍郎李傑祭告天壽山之神分命各巡撫祭告
北嶽北鎮東嶽東鎮東海之神嘉靖八年諭禮部曰
去冬少雪今東作之時雨澤不降當親祭南郊社稷
山川以盡虔祈之意尚書方獻夫等對按周禮大宗
伯以荒禮哀凶札釋者謂君膳不舉馳道不除祭事
不縣皆所以示取損也又曰國有大故則旅上帝及
四望釋者曰故謂凶災旅陳也陳其祭祀以禱焉禮
不若祀之備也今陛下憫勞百姓親出祈禱合行禮

儀務從簡約以答天戒其常朝官俱令一體陪從同
致省愆祈籲之誠隨具上儀注二月帝親禱于南郊
山川同日社稷用次日不除道具淺色冠服群臣同
吏官五品武官四品以上照常于大祀門外其餘官
員皆南天門外各就班陪祀是秋命山川諸神當親
詣祈禱禮部尚書李時議舊例山川等祭于中夜行
禮疏_并日出郊宿于齋壇祭畢俟清晨迴鑾計越兩
日方可畢事其禮太重宜比先農壇例以本日昧爽
行禮因其儀以進制可其祭服用皮弁迎神送神止
各兩拜訖_并大學士張孚敬言頃生員李時鵬監生

張岑各疏請舉祀郊禘之禮以祈聖嗣夫后稷之生
祈于郊禘孔子之生禱于尼山祈禱之說古禮有之
然大雅既醉之詩曰公尸嘉告曰君子萬年永錫祚
膺曰釐尔女士從以孫子夫公尸之告皆祖考之錫
福也古之臣子祝君之誠也皇上仁孝誠敬天地神
明日鑒在茲而況于祖考之親乎宜不在他求也臣
願當茲慎選淑女之時以廣求嗣續之誠告于太廟
世廟以祈祖考之祐慰聖母之心命擇吉具儀以聞
并一年大學士李時等以聖嗣未降請上自製祝文
遣廷臣奉香帛詣截鑲名山祝禱帝慮遣使擾民欲

分遣道士齋奉香帛審祝行令所在守臣竭誠行禮
在廷大臣分詣地祇壇祈告仍卜筮于太廟于是禮
部尚書夏言言我朝北建祇壇以崇陰祀自嶽鎮海
瀆以及遠近名山大川莫不懷柔即此而禱正合古
人望秩望衍之義但古者望祀之禮山川並行茲輔
臣之請正于嶽瀆竊以海瀆山川發祥效靈與嶽鎮
同功况基運翊聖神烈天壽純德諸山又祖宗妥靈
之地猶之水土本源枝流所賴祈禱之禮似不可缺
請每壇簡命大臣一人主祭令勲戚文武重臣一體
陪祀同致感格之誠至于太廟卜筮固尊祖敬神之

盛心但太卜筮人之書既已失傳而天子所用龜必
千歲者必九尺又未可卒致今第祇修望秩之祀以
祈神佑則繼明之慶自當未占有孚遂命武定侯郭
勛大學士李時翟鑒尚書王瓊汪鉉夏言詣壇分祔
二十一年帝于西苑建大高玄殿奉事上玄敬天禮
神為民求福工竣將舉安神禮命百司停刑止屠酺
服辦事大臣各齋戒十日遣英國公張溶等分詣朝
天等宮及祠廟行禮

明史卷四十九

志卷十三

禮七

吉禮七

神祇壇
太歲月將

星辰壇
風雲雷雨

靈星壽星司中司命司民司祿
嶽鎮海瀆山川城隍

神祇壇洪武二年從禮部尚書崔亮言建天下神祇壇于園丘遺外之東及方丘遺外之西郊祀前期帝躬詣壇設神位西向以酒脯祭告畢還齋所郊之日以籩豆各四簋簋登爵各一羊六豕六俟分獻從祀將畢就壇以祭後定遣官預告又建山川壇于正陽門外天地壇西合祀太歲四季月將風雲雷雨嶽鎮海瀆山川城隍旗纛諸神先是太祖以太歲風雲雷雨

雨為天神以嶽鎮海瀆山川城隍為地祇各為壇分
祀于國城之南至洪武三年復以諸神皆陰陽一氣
流行無間者遂合二壇而一之而增以四季月將旗
纛凡設壇十有九太歲春夏秋冬四季月將為第一
次風雲雷雨次五嶽次五鎮次四海次四瀆次京都
鍾山次江東次江西次湖廣次淮東淮西次浙東浙
西福建次廣東廣西海南海北次山東山西次河南
河北次北平陝西次左江右江次安南高麗占城諸
國山川次京都城隍次六纛大神旗纛大將五方旗
神戰船金鼓鼉礮弓弩飛鎗飛石陣前陣後諸神各

壇之祭皆帝躬自行禮先祭禮官奏祝~~南~~太歲以下
至四海凡五壇上稱臣者親署御名其鍾山等神上
稱余者請令禮官代署帝曰朋友書牘往來尚親題
姓名况神明乎必皆親署及登壇謂太常司丞任以
忠曰人臣愛君以道朕之于神誠恐誠敬未盡何敢
憚勞汝當悉朕意後又定驚蟄秋分後三日遣官祭
山川壇諸神七年令春秋二仲月上旬擇日以祭九
年復定山川壇制凡十三壇建正殿拜殿各八楹東
西廡二十四楹神厨六楹神庫十一楹井亭二宰牲
器亭二西南建先農壇東南建具服殿六楹殿南為

籍田壇東建旗幟廟又南為門四楹後為神倉六楹
繚以周垣七百一十二丈東西北神門各四楹皆甃
以甃垣東又別為周垣甃為門一垣內地七十畝水
田十畝歲種黍稷稻粱來牟及菁芹蔥韭以供祀事
工成帝親祀焉正殿設太歲風雲雷雨五嶽五鎮四
海四瀆鍾山凡七壇東西廡各三壇東則京畿山川
夏冬二季月將西則春秋二季月將京都城隍各位
陳設如舊儀但正殿共設酒尊三爵七帛篚七于殿
東南西向祝案于殿外正道西兩廡各設酒尊三爵
三篚三于壇南北向十年定正殿七壇帝親行禮東

西廡遣功臣分獻二十一年增修大祀~~賜~~諸神壇壝
乃敕太歲風雲雷雨嶽鎮海瀆山川月將城隍諸神
並停春祭每歲八月中旬擇日祭之命禮部更定祭
山川壇儀齋戒前一日太常司官宿本司次日奏致
齋二日次日進銅人正祭前二日太常司同禮部官
詣城隍廟發咨省牲與太廟同其正祭十三壇每壇
牲用犢一羊一豕一籩豆各十簋簋各二登一鉶二
酒盞三十帛太歲一風雲雷雨四鍾山及京畿山川
京都城隍各一四季月將各三俱白色嶽鎮各五四
海四各隨其方色四瀆四黑色祭儀與社稷同永樂

中京師建山川壇與南京舊制同惟正殿鍾山之右
添祭天壽山之神嘉靖十一年世宗釐定祀典即山
川壇名為天神地祇壇改敘雲師雨師風伯雷師天
神壇在左南向雲雨風雷凡四壇壇一太牢地祇壇
在右北向五嶽五鎮基運翊聖神烈天壽純德五陵
山四海四瀆凡五壇壇一大牢從祀京畿山川西向
天下山川東向各牲五以辰戌丑未年仲秋皇帝親
祭餘年遣大臣攝祭其太歲月將旗纛城隍別祀之
十七年十月以加上皇天上帝尊稱預告于神祇遂
設壇于園立外壝東南欽定神祇壇位陳設儀式東

天神五壇西向南地祇六壇北向設御膳位于大明壇前下所司如儀辦之已禮部言皇上親獻大明壇則西壇分獻諸臣不敢並列請皇上先上香畢命官代獻帝謂朕上香奠帛獻爵優位後分獻官方行禮亞終二獻執事官代餘壇俱獻官主行隆慶元年禮臣奏准天神地祇已從祀南北郊其仲秋神祇壇之祭不宜復舉令罷之

星辰壇洪武三年帝謂中書省臣曰日月既皆設壇專祭而星辰乃附祭于月壇非禮也宜別設壇專祭周天星辰于是禮部議于城南諸神享祭壇正南向

增造屋九間朝日夕月祭周天星辰俱于是行禮其
朝日夕月仍以春秋分祭星辰則于天壽節前三日
致祭從之四年九月帝躬祀周天星辰正殿設十壇
中設周天星辰位用牛一羊一豕一登一鉶二餘九
壇各用羊一豕一鉶二每壇籩豆各十簋簋各一酒
盞各三十爵一共設酒尊三帛十共一篚俱白色祝
一儀如朝日其祝文曰惟神布列周天各司舍度光
燭于下人所瞻仰今季秋之時穹碧澄清萬象輝輝
朕遵古典躬伸祭祀神其鑒知二十一年帝以星辰
既從祀南郊其罷崇星之祭

靈星諸神洪武元年太常司奏闕禮以~~燔~~燎祀司中
司命風師雨師天府若祭天則祀司民司祿而獻民
數穀數受而藏之漢高帝命郡國立靈星祠唐制立
秋後辰日記靈星立冬後亥日遣官祀司中司命司
人司祿以少牢宋祀如唐而于秋分日記壽星今擬
如唐制以立秋後辰日記靈星立冬後亥日記司中
司命司人司祿為壇于城南從之二年禮部尚書崔
亮奏靈星壽星司中司命司民司祿諸神即周禮幽
崇之祭也漢嘗立靈星祠以祀之然星之祭所以壇
而不屋者所以通天地風雨霜露之氣也屋而祭之

似乖于禮故唐宗不用然諸壇既為殿屋則靈星諸祠亦于殿望祭為便帝曰星辰之氣流通無所不在且祭壇有屋所以棲神靈風雨便于行事何不可也亮又奏太常議壽星于聖壽日致祭同日祭司中司命司民司祿示與民同受其福也八月望日則祀靈星皆遣官行禮以為常制從之二年詔以司中司命司民司祿及壽星五神為中祀每神祭用羊豕各一共用牛一命翰林院撰祝文三年命罷壽星等祀太歲月將風雲雷雨之祀古無太歲月將壇宇之制明始重其祭若風雨雷師歷代簡其祀而增雲師于

風師之次自明始初太祖既以歲諸神從祀于園
丘復與嶽瀆等神合祭于城南群祀壇已而命禮官
議專祀壇壝于是禮臣奏太歲者十二辰之神按說
文歲字從步從戌水星一歲行一次歷十二辰而一周
天若步然也自子至巳為陽自午至亥為陰所謂太
歲十二辰也陰陽家說又有十二月將十日十二時
所直之神若天乙天罡太乙功曹太衝之類雖不經
見歷代因之元每有太興作祭太歲月將日直時直
于太史院若風師雨師之祀始見周官後世皆有祭
唐天寶中增雷師于雨師之次因升風雨雷師為中

祀宋元因之然考月令以立春後丑日祭風師于城東北立夏後申日祭雨雷于城西南以今觀之天地生物動之以風潤之以雨發之以雷陰陽之機本一氣使然而各以特別祭失享祀本意宜以太歲風雲雷雨諸天神合為一壇諸地祇又為一壇春秋專祀乃定以驚蟄秋分日祀太歲諸神壇制與嶽瀆同太歲風雲雷雨五位並南向位皆用太牢籩豆各八簋盞各二酒尊土帛一皆以白其儀皆與嶽瀆同三年後合天神地祇二壇為一而增四季月將又禮官奏自今遣祭本歲太歲風雲雷雨諸神春闕驚蟄後三

日秋用秋分後三日降香遣官禘禮九年後建殿于山川壇祭太歲風雲雷雨于正殿祭四季月將于兩廡二十一年增修從祀諸神壇壝于太祀殿乃命太歲風雲雷雨月將並停春祭止以歲八月中旬擇日祭之嘉靖十年先是帝命禮部考古太歲壇制禮部言太歲之神自唐宋以來祀典不載惟元有大興作祭于太史院亦無常祭之典我朝始有定祀是以壇宇之制于古無稽按太歲天神也亦宜設壇露祭宜照社稷壇規制築造高廣尺寸少為戒殺俟四郊工役告完即建太歲等神並雲雨風雷嶽鎮海瀆三壇

于神祇壇內俱照社稷壇規制惟太歲壇差小庶隆一
殺適宜而祀儀不忒詔可遂建太歲壇于正陽門外
之西與天壇對南向中為太歲殿東廡為春秋月將
二壇西廡為夏冬月將二壇前為拜殿帝親祭于拜
殿中東南為燎爐西為神庫神廚宰牲亭亭南為井
井外為西天門東為壇門歲于孟春享廟及歲暮祫
祭之日遣官致祭太歲用牛一羊一豕一從祀月將
每壇各用大牢一王國各府州縣亦祀風雲雷雨師
仍築壇于城西南祭用鶩鰌秋分日
撤鎮海瀆山川城隍之祀洪武元年命護士周原德

往萊州諭祭東海之神又遣官祭魯山淮川之神
二年太祖以嶽瀆諸神與太歲等神止舍祭于城南
未有專祀又享祀之所屋而不壇非隆敬神祇之道
禮官奏嶽鎮海瀆之祀虞舜以四仲月巡狩而祭四
嶽東嶽曰泰山四嶽之所宗也故又曰岱宗南嶽曰
衡山西嶽曰華山北嶽曰恒山而未言五嶽王制曰
天子祭天下名山大川五嶽四瀆始有五嶽之稱蓋
以中嶽嵩山並列也又周官小宗伯北四望于四郊
鄭玄謂四望為五嶽四鎮四瀆四瀆者江河淮濟也
四鎮者東曰沂山西曰吳山南曰會稽北曰醫無閭

詩序又曰巡狩而禮四嶽河海則有四海之祭孟氏
子方望之事無所不通而嶽鎮海瀆在諸侯封內諸
侯亦各以其方祀之秦罷封建嶽瀆皆領于祀官及
漢復建諸侯則侯國各祀其封內山川天子無與焉
武帝時諸侯或分或廢五嶽皆在天子之邦宣帝時
嶽瀆始有使者持節侍祠之禮由魏及隋嶽鎮海瀆
卽其地立祠命有司致祭唐宋之制有命本界刺史
縣令之祠有因郊祀而望祭之祠又有遣使之祠元
遣使祠嶽鎮海瀆分東西南北中爲五道今宜分諸
太神爲五嶽鎮海瀆及天下山川城隍諸地祇合爲

土壇春秋專祀遂定以清明霜降日祀縣鎮諸神壇
提高阜南向四面垣圍壇高二尺五寸方廣二丈五
尺四出陛南向陛五級東西北向陛三級其神位則
五嶽五鎮四海四瀆並列南向次鍾山江東兩淮兩
浙江西湖廣山東山西河南陝西北平福建廣東廣
西海南海北左右兩江山川之神并京都各府城隍
外國山川之神皆東西相向位皆用犢一羊一豕一
籩豆各八簋簋各二酒尊三帛一其儀前期一日皇
帝躬省牲至日服通天冠縫紗袍詣縣鎮海瀆神位
前行三獻禮分獻官各詣山川城隍前行禮是年命

都督孫遇仙等十八人祭天下嶽鎮海瀆之神人賜
冠帶及衣服銀米是日帝服皮弁服御奉天殿禮官
以香及祝文進帝躬署御名以香祝授使者百官公
服送至中書省使者奉以行香用黃金為合以貯之
黃綺幡二白金二十五兩以供市祭物牲用大牢幣
各從其方色三年後以天神地祇皆一氣流通仍合
祭于一壇又禮官奏自今遣官祭嶽瀆等神春用鷩
鷩後三日秋用秋分後三日獻官及陪祀執事官皆
前期齋戒三日至日清晨帝服皮弁服御奉天殿降
香中嚴陸御座以待祭畢獻官齎奏鮮嚴還宮詔定

嶽鎮海瀆神號畧曰永惟為治輿道必本于禮考諸
祀典如嶽鎮海瀆之封起自唐宋崇名美號歷代有
加朕思之則有不然蓋高山廣水自天地開闢以至
乎今英靈之氣萃而為神豈國家封號之所可加瀆
禮不經莫此為甚今宜依古定制凡嶽鎮海瀆並去
其前代所封名號止以山水本名稱其神庶幾神人
交際名正言順于理為常用稱朕以禮祀神之意五
嶽稱東嶽泰山之神南嶽衡山之神中嶽嵩山之神
西嶽華山之神北嶽恒山之神五鎮稱東鎮沂山之
神南鎮會稽山之神中鎮霍山之神西鎮英山之神

北鎮醫無閭山之神四海稱東海之神南海之神西
海之神北海之神四瀆稱東瀆大淮之神南瀆大江
之神西瀆大河之神北瀆大濟之神帝躬署名于祝
文遣官詣所在以更定神號告祭六年禮部奏往者
西川未平望祭江瀆于峽州今川蜀既下當遣使詣
南瀆大江神廟致祭從之九年建殿于山川壇祭嶽
鎮海瀆于正殿祭京畿山川京都城隍于兩廡十年
命大臣十八人分祀嶽鎮海瀆賜韓國公李善長等
制曰從來百神之祀乃國家之先務也朕與卿等當
群雄角逐之時戰勝攻取非天_之昭鑒嶽鎮海瀆

其效靈安得至是今孟秋在通朔宜報祭古者人君
巡守則祭名山大川于各方嶽之下今國家新造民
生始遂未獲親往特命卿等代朕以行二十一年增
太祀殿從祀神壇遂令嶽鎮海瀆諸神皆停春祭惟
以歲八月中旬擇日祭之萬曆十四年巡撫胡來貢
請改祀北嶽于渾源州禮部奏大明集禮所載漢唐
宋北嶽之祭皆在定州曲陽縣與史俱合至于渾源
北嶽北嶽止見州誌碑文稽之經傳茫無可攷未可
輕當仍遵憲典祀于曲陽縣其渾源恒山宜照弘治
中例行彼處官司量加修葺用存古跡凡嶽鎮海瀆

所在令有司以春秋仲月上旬擇日致祭各用羊一
豕一鬲一簋豆各四簋簋各一銅一爵三尊三天啟元年
海運遭風遼山東撫臣及薊遼等處道臣致祭海神
其他山川之祀洪武元年帝躬祀汴梁諸神仍遣官
致祭境內山川二年禮部奏天下山川之祀虞書曰
望于山川徧于群神周頌曰懷柔百神及河喬嶽周
禮小宗伯兆山川丘陵墳衍各因其方王制凡山川
之小者其祭秩視伯子男劉向謂山川能生物出雲
雨施潤澤品類以百數故視伯子男其在諸侯封內
者得爵祭之如楚祭睢漳晉祭惡池齊祭配林是已

秦罷封建則皆領于祠官焉由漢唐以及宋元歲鎮
海濱之外又有其餘山川之祀不獨嶽瀆也今宜以
天下山川附祭于嶽瀆之壇從之又諭中書及禮官
曰余安南高麗皆臣附其國內山川宜與中國一體
致祭于是考其山川安南之山二十有一曰佛跡曰
微園曰武寧曰仙游曰普賴曰萬叔曰傑特曰安子
曰地觀曰天養曰神投曰龍岱曰文場曰安獲曰下
曰立石曰香象曰崇曰都隆曰測曰分其江有六曰
川瀘曰富良曰大黃曰大歷曰蘇歷曰三帶其水有
六曰安石淵曰石龍門曰茲廉曰浪泊曰越裳宛曰

九德宛高麗山有三曰魯陽曰嵩曰常水有四曰川
禮成曰鹽難水曰湏水曰馬訾水即鴨綠江也遂命
著之祀典設位以祭三年遣使往安南高麗占城祀
其國山川先期一日齋戒親為祝文是日臨朝授使
者香幣文綺幡祝版帝自署御名給白金具祭物使
臣各賜白金衣服而遣之仍令各國圖其山川及摹
錄其碑碣圖籍付使者還所至諸國皆勒石以紀其
事仍遣使頒草正山川神號詔于安南占城高麗六
年太常司言琉球諸國已入朝貢其國山川之神禮
宜通祀八年禮部尚書牛諒言京都既罷祭天下山川

其外國山川亦非天子所當親祀乃命別議其禮中書及禮部奏以外國山川附祭于各省如廣西則附祭安南占城真臘暹羅鎖里廣東則附祭三佛齊爪哇福建則附祭日本琉球淳泥遼東則附祭高麗陝西則附祭甘肅朵甘烏思藏京城不復致祭又言各省山川與風雲雷雨既居中南向其外國山川神位宜分東西同壇共祀帝可其奏成祖時封日本山曰壽安鎮國山淳泥山曰長寧鎮國山其餘析枝國滿剌加等國山俱曰鎮國山各立御碑凡北討及廻鑒所至如靈顯翠秀諸山神應等十二泉立馬等五峰

及川谷坡壑之類皆錫以嘉名勒石垂永正統五年
行在工部左侍郎李庸言固安堤通濟河皆已建祠
設像而祀典未秩稱謂無名請令禮官定議封號太
常載修祀事下行在禮部議尚書胡濙等言洪武中
以嶽鎮海瀆封爵不經止稱為某嶽某瀆之神一洗
相沿之陋今固安通濟無緣復襲繆典至欲秩祀太
常則永樂間開濬濟寧通漕為萬世利其祠廟尚未
嘗祀今崇報之典不應有加于彼請但於朔望令耆
老土人供奉香火其固安堤稱為盧溝河之神通濟
河稱為通濟河之神于禮為當從之其王國山川之

祀洪武十三年重定其制山川壇高四尺四出陛方
三丈五尺一壇廣二十丈壇在壇內稍北居三分之
一壇牆高五尺置靈星門四外垣南門置屋列十二
戟北而神門無屋十八年禮部奏定王國祭山川儀
用社稷但無瘞埋之文永樂元年禮部尚書李至剛
等言趙王是國應祭山川社稷等神未有壇所請改
贖義府社稷壇祭社稷古制留守無祭山川之文而
頽地北嶽恒山北鎮醫無閭皆當祭請改順天府山
川壇祭山川帝以祭祀大事復命吏部尚書蹇義翰
林學士解縉等議因言周禮地官凡建邦國立其社

稷親王留守之祭固無明文然禮有可以義起者今
趙王留守北京當別建國社國稷山川等壇致祭大
年命群臣議趙王祭社稷山川等神行在禮部尚書趙
鼎等言喪三年不祭惟祭天地宗廟社稷為不以吊
廢尊也今趙王居仁孝皇后喪已踰大祥雖梓宮未
葬而社稷山川之禮不可久曠宜令致祭從之弘治
甲子二年禮部奏衛王之國青州境內有東鎮沂山創
審望祭命東鎮東嶽一體望祭十四年瀋王幼穉自
以年老有疾請凡遇山川等祀暫令本府長史攝行
祀事禮部議不可請如寧府例令王庶長子西陽王

銓鉅代行禮各省山川所在亦令有司致祭祭壇于
城西南高三尺四出陛三級方二丈五尺祭則設主
于其上以清明霜降日行事文職長官一員行禮武
官不預如軍民指揮使司則從本司行之牲用少牢
籩豆各二盞盞各一酒爵二

城隍廟初承元之舊洪武二年禮部奏城隍之祀莫
詳其始先儒謂既有社矣不應復有城隍故唐李陽
冰緡雲城隍記謂祀典無之惟吳越有之然成都城
隍祠尊德裕所建張說有祭城隍文杜牧有祭黃州
城隍文則不獨吳越為然又蕪湖城隍廟建于吳赤

烏二年高齊慕容儼梁武陵王祀城隍文皆書于史
又不獨唐而已宋以來其祠徧天下或錫廟額或頒
封爵至或遷就傳會各指一人以為神之姓名如鎮
江慶元寧國太平華亭蕪湖等郡邑皆以為紀信龍
興賴袞袞江吉建昌臨江南康皆以為灌嬰是也張
說祭荊州城隍文曰城隍是保庇庶是依則前代崇
祀之意有在也今宜祔祭于嶽瀆諸神之壇又命加
以封爵京都城隍為承天鑒國司民昇福明靈王開
封臨濠太平和州滁州皆封為王其餘府為鑒察司
縣城隍威靈公秩正二品州為鑒察司民城隍靈佑

侯秩三品縣為鑒察司民城隍顯佑伯秩四品衮章
冕旒皆有差等命詞臣撰制文以頒之三年詔革去
封號止稱某府州縣城隍之神又降旨各處城隍廟
屏去閒雜神道又詔天下城隍廟制高廣各視官署
廳堂其几案皆同署神主于座造木為主毀其塑像
屏置水中取其泥塗壁繪以雲山六年製中都城隍
神主成遣兵部尚書樂韶鳳奉香幣往奉安之祭用
牛羊豕各一其在京師者既祔享于山川壇又于二
十年改建廟詔劉三吾曰朕設京都城隍俾統若府
州縣之神以監察民之善惡而禍福之俾幽明舉不

得僥倖而免其肇所由于石二十一年以從祀大祀
殿罷山川壇春祭惟仲秋祭之永樂中建壇廟京師
廟建于都城之西中為大威靈祠塑神像後為寢祠
左右為掌善惡二司兩廡十八司前為闡威門外左
右為鍾鼓樓東西為道房又前為順德門又前為都
城隍門嘉靖九年罷山川壇從祀歲以仲秋祭旗纛
日并祭都城隍之神凡遇聖誕節及五月十一日神
誕皆遣太常寺堂上官行禮國有大災則告廟在王
國者王親祭之在各府州縣者守令主之新官到任
則俾其與神誓洪武六年定各省祭期春用三月三

日秋用九月九日後又定各府州縣郊南為神祇壇
以春秋仲月上旬擇日祭風雲雷雨山川城隍之神
同壇共祭設三神位風雲雷雨居中山川居左城隍
居右有布政司者令布政司官主之宣德八年定各
省官到任以羊豕各一總祀神祇于城隍廟